



09 MAY, 2024

## Firma Turkiye berminat penuh keperluan elektrik Sabah

Harian Ekspres (KK), Malaysia



Page 1 of 2

## Firma Turkiye berminat penuh keperluan elektrik Sabah

KUALA LUMPUR: Karpowership, pengendali loji jana kuasa terapung Turkiye, berminat dengan peluang kerjasama untuk memenuhi keperluan elektrik di Sabah, kata Pengarah Operasi Komersial Asia-nya Tolga Bayav.

Beliau berkata penyelesaian loji jana kuasa terapung syarikat, yang dikenali sebagai kapal "Powerships", boleh membantu dalam memastikan bekalan kuasa yang stabil dan dipercayai di negeri ini serta di Malaysia yang seterusnya akan memacu perindustrian sambil menarik pelaburan asing.

"Karpowership di Malaysia juga akan menyokong peluang-peluang ekonomi dan meningkatkan kualiti hidup. Kami terus meneroka kaedah untuk berinovasi dan menyesuaikan tawaran kami bagi memenuhi keperluan khusus sektor tenaga.

"Dengan pengalaman kami dalam projek-projek berterusan dan perkongsian yang bertujuan bukan

sahaja membekalkan tenaga tetapi juga meningkatkan keupayaan tenaga strategik untuk pelanggan kami. Kami komited untuk melabur dalam teknologi tenaga yang mampan dan membina hubungan jangka panjang yang menyokong objektif kerajaan Malaysia," katanya kepada Bernama.

Beliau ditemui di luar pameran Perkhidmatan Pertahanan Asia (DSA) dan Keselamatan Kebangsaan (NatSec) Asia 2024 di sini, Rabu.

Mengulas lanjut mengenai apa yang ditawarkan oleh syarikat itu, Bayav berkata ia mengkhususkan dalam projek pengeluaran tenaga bebas jangka panjang dan penyelesaian jurang jangka pendek hingga sederhana, memenuhi keperluan beban asas, mengurangkan lonjakan mendadak dan keperluan merit pertengahan.

Beliau berkata syarikat itu mempunyai sejumlah 36 kapal Powerships yang boleh menyalurkan lebih daripada

6,000 megawatt, di samping kapal infrastruktur gas terapung.

"Dengan 19 projek yang berjaya disiapkan dan kontrak untuk pembekalan, kami terus mengembangkan portfolio tenaga. Bidang operasi Karpowership merangkumi Powership, Unit Pengegangan Semula Storan Terapung di darat dan penyelesaian solar, memacu perubahan yang memberi kesan dalam landskap tenaga global," katanya sambil menambah mereka juga meneroka potensi kerjasama dengan Petronas.

Sementara itu, mengenai DSA 2024, Bayav berkata pameran itu menyediakan platform penting untuk syarikat tenaga seperti Kapowership menunjukkan keupayaan mereka dan inovasi teknologi termaju dalam sektor tenaga.

"Sambutan sangat positif. Mereka yang penting dalam industri menghargai usaha kami dalam melangkaui sempadan terutamanya bagi penjana tenaga mudah alih," katanya. – Bernama